



Na osnovu člana 60. Zakona o upravi u Federaciji Bosne i Hercegovine („Službene novine F/BiH“, broj: 28/97 i 26/02), člana 70. stav (1) i (3), a u vezi sa članom 72. stav (3). tačka e). Zakona o javnim nabavkama („Sl. glasnik BiH“, broj: 39/14), direktor Kantonalne uprave civilne zaštite, donosi:

ODLUKU o dodjeli ugovora drugorangiranom ponuđaču

Član 1.

Odluka o izboru najpovoljnijeg ponuđača broj: 15-11-8-3462-8/20 od 22.05.2020. godine stavlja se van snage, te se za najpovoljnijeg ponuđača u postupku nabavke uniformi (radna odijela) za potrebe Kantonalnog štaba civilne zaštite i Službi zaštite i spašavanja, odabire drugorangirani ponuđač „KMTRADE“ d.o.o. Visoko, ponuda broj: 15-11-3462-6/20 od 07.05.2020. godine, za ponuđenu cijenu bez PDV u iznosu od 1.525,71 KM odnosno 1.785,08 KM sa PDV-om.

Član 2.

Ova Odluka stupa na snagu danom donošenja, dostavlja se svim ponuđačima koji su učestvovali u postupku javne nabavke i u skladu sa članom 70. stav (6) Zakona o javnim nabavkama objavit će se na web-stranici www.vladausk.ba, i to istovremeno s upućivanjem iste ponuđačima koji su učestvovali u postupku javne nabavke.

Obrazloženje:

Na osnovu člana 60. Zakona o upravi u Federaciji Bosne i Hercegovine („Službene novine F/BiH“, broj: 28/97 i 26/02), a u vezi članom 70. stav (1), (3) i (6) Zakona o javnim nabavkama („Sl. glasnik BiH“, broj: 39/14), na preporuku Komisije za javne nabavke u Zapisniku o ocjeni ponuda, broj: 15-11-8-3462-7/20 od 11.05.2020. godine, direktor Kantonalne uprave civilne zaštite je 22.05.2020. godine donio Odluku o izboru najpovoljnijeg ponuđača broj: 15-11-8-3462-8/20.

Navedenom Odlukom u postupku javne nabavke putem konkurentskog zahtjeva za dostavu ponuda, kao najpovoljniji ponuđač za predmetnu nabavku izabran je „INTER-COM“ d.o.o. Zenica, ponuda broj: 15-45-3462-5/20 od 07.05.2020. godine za ponuđenu cijenu bez PDV u iznosu od 1.000,00KM, odnosno 1.170 KM sa PDV-om.

Postupajući po navedenoj Odluci, Kantonalna uprava civilne zaštite je u skladu sa Zakona o javnim nabavkama („Službeni glasnik BiH“, broj 39/14), izabranom ponuđaču „INTER-COM“ d.o.o. Zenica uz propratni akt broj: 15-45-5975-1/20 od 04.06.2020. godine, dostavila na potpis pet primjeraka Ugovora o nabavci Uniformi (radna odijela) za potrebe Kantonalnog štaba civilne zaštite i Službi zaštite i spašavanja. U propratnom aktu je navedeno da: „*ukoliko u roku od 7 dana od prijema prijedloga Ugovora ne dobijemo Ugovor potpisan od vas smatraćemo da ste odustali od istog*“. Od dana dostavljanja prijedloga Ugovora na potpis pa do dana donošenja ove Odluke proteklo je 26 (dvadesetšest) dana.

Slijedom navedenog akta broj: 15-45-5975-1/20 od 04.06.2020. godine, donosi se ova Odluka o izboru drugorangiranog ponuđača i njemu će se ponuditi prijedlog Ugovora.

POUKA O PRAVNOM LIJEKU:

Protiv ove Odluke može se izjaviti pismena žalba Kantonalnoj upravi civilne zaštite, najkasnije u roku od 5 (pet) dana od dana prijema iste.

Broj: 15-11-8-3462-9/20

Datum: 01.07.2020. godine.

